

傅氏文科

上冊

專
月主先生著

女 科

內附產後編

生固舊

卷一

專

月

青主先生於明季時以諸生伏闕上書訟袁臨侯冤事尋得白堂
時義聲動天下馬文甬義士傳比之裴瑜魏邵國變後隱居岫嶠
山中四方仰望丰采已未鴻詞之薦先生堅臥不赴有司敦促就
道先生卒守介節

聖祖仁皇帝鑒其誠降

旨傳山文學素著念其年邁從優加銜以示恩榮遂授內閣中書聽其
回籍蓋其高尚之志已久爲

聖天子所心重矣而世之

傳其

也

六藝之一先生

女科上卷目錄

共三十八條三十
九症四十一方

帶下

白帶

完帶湯

青帶

加減逍遙散

黃帶

易黃湯

黑帶

利火湯

赤帶

清肝止淋湯

血崩

昏暗

固本止崩湯

年老血崩

加減當歸湯

少婦血崩 固氣散

交感血出 引精止血湯

鬱結血崩 平肝開鬱止血湯

閃跌血崩 逐瘀止血湯

血海太熱血崩 清海丸

鬼胎

婦人鬼胎 蕩鬼湯 紅花霹靂散

室女鬼胎 蕩邪散 調正湯

調經

經水先期 水火太旺清經散 火旺水虧兩地湯

經水後期 溫經攝血湯

經水前後無定期 定經湯

經水數月一行 助仙丹

年老經水復行 安老湯

經水忽來忽斷時疼時止 加味四物湯

經水未來腹先疼 宣鬱通經湯

行經後小腹疼痛 調肝湯

經前腹疼吐血 順經湯

經水將來臍下先疼痛 溫臍化濕湯

經水過多 加減四物湯

經前先洩水

健固湯

經前大便血

順經兩安湯

年未老經水斷

益經湯

種子

身瘦不孕

養精種玉湯

胸滿不思食不孕

并提湯

下部冰冷不受孕

溫胞湯

胸滿少食不受孕

溫土毓麟湯

少腹急迫不受孕

寬帶湯

嫉妬不孕

開鬱種玉湯

肥胖不受孕

加味補中益氣湯

骨蒸夜熱不受孕

清骨滋腎湯

腰酸腹脹不受孕

升帶湯

便澁腹脹足浮腫不受孕

化水種子湯

女科上卷

陽曲傅 山青主手著

白帶下 一

夫帶下俱是濕症而以帶名者因帶脈不能約束而有此病故以名之蓋帶脈通於任督任督病而帶脈始病帶脈者所以約束胞胎之系也帶脈無力則難以提繫必然胞胎不固故曰帶弱則胎易墜帶傷則胎不牢然而帶脈之傷非獨跌閃挫氣已也或行房而放縱或飲酒而顛狂雖無疼痛之苦而有暗耗之害則氣不能化經水反變爲帶病矣故帶病者惟尼僧寡婦出嫁之女多有之而在室之女則少也況加以脾氣之虛肝氣之鬱濕氣之侵熱氣

婦科一門最屬難治不難於用方難於辨症也五帶症辨之極明立方極善倘用之不效者必其人經水不調須於調經種子二門參酌治之無不見效即如白帶症倘服藥不效其人必經水過期少腹急迫宜服寬帶湯餘宜類參方見

逼安得不成帶下之病哉故婦人有終年累月下流白物如涕如唾不能禁止甚則臭穢者所謂白帶也夫白帶乃濕盛而火衰肝鬱而氣弱則脾土受傷濕土之氣下陷是以脾精不守不能化榮血以爲經水反變成白滑之物由陰門直下欲自禁而不可得也治法宜大補脾胃之氣稍佐以舒肝之品使風木不閉塞於地中則地氣自升騰于天上脾氣健而濕氣消自無白帶之患矣方用

完帶湯

白朮

一兩 土炒

山藥

一兩 炒

人參

二錢

白芍

五錢 酒炒

車前子

三錢 酒炒

蒼朮

三錢 製

甘草

一錢

陳皮

五分

黑芥穗

五分

柴胡

六分

水煎服二劑輕四劑止六劑則白帶全愈此方脾胃肝三經同治之法寓補於散之中寄消于升之內開提肝木之氣則肝血不燥何至下尅脾土補益脾土之元則脾氣不濕何難分消水氣至於補脾而兼以補胃者由裏以及表也脾非胃氣之強則脾之弱不能旺是補胃正所以補脾耳

...

...

...

...

...

青帶下二

婦人有帶下而色青者甚則綠如菉豆汁稠粘不斷其氣腥臭所謂青帶也夫青帶乃肝經之濕熱肝屬木木色屬青帶下流如菉豆汁明明是肝木之病矣但肝木最喜水潤濕亦水之積似濕非肝木之所惡何以竟成青帶之症不知水爲肝木之所喜而濕實肝木之所惡以濕爲土之氣故也以所惡者合之所喜必有違者矣肝之性既違則肝之氣必逆氣欲上升而濕欲下降兩相牽掣以停住于中焦之間而走于帶脈遂從陰器而出其色青綠者正以其乘肝木之氣化也逆輕者熱必輕而色青逆重者熱必重而色綠似乎治青易而治綠難然而均無所難也解肝木之火利膀

脾土喜燥而惡濕土病濕則木必乘之木又為濕土之氣所侮故肝亦病逍遙散減去當歸妙極

朮之水則青綠之帶病均去矣方用加減逍遙散

茯苓 五錢

白芍 五錢 酒炒

甘草 五錢 生用

柴胡 一錢

陳皮 一錢

茵陳 三錢

梔子 三錢 炒

水煎服二劑而色淡四劑而青綠之帶絕不必過劑矣夫逍遙散之立法也乃解肝鬱之藥耳何以治青帶若斯其神與蓋濕熱留于肝經因肝氣之鬱也鬱則必逆逍遙散最能解肝之鬱與逆鬱逆之氣既解則濕熱難留而又益之以茵陳之利濕梔子之清熱肝氣得清而青綠之帶又何自來此方之所以奇而效捷也倘僅以利濕清熱治青帶而置肝氣于不問安有止帶之日哉

黃帶下三

婦人有帶下而色黃者宛如黃茶濃汁其氣腥穢所謂黃帶是也夫黃帶乃任脈之濕熱也任脈本不能容水濕氣安得而入而化爲黃帶乎不知帶脈橫生通于任脈任脈直上走于唇齒唇齒之間原有不斷之泉下貫于任脈以化精使任脈無熱氣之繞則口中之津液盡化爲精以入于腎矣惟有熱邪存于下焦之間則津液不能化精而反化濕也夫濕者土之氣實水之侵熱者火之氣實木之生水色本黑火色本紅今濕與熱合欲化紅而不能欲返黑而不得煎熬成汁因變爲黃色矣此乃不從水火之化而從濕化也所以世之人有以黃帶爲脾之濕熱單去治脾而不能痊者

丹邪元邪四字未晰擬易以真水真火為濕熱之氣所侵繞于任脈云云較無諸病然原書究不可輕改姑仍之

凡帶症多係脾濕初病無熱但補脾土兼理衝任之氣其病自愈若濕久生熱必得清腎火而濕始有去路方用黃柏車前子妙

是不知真水真火合成丹邪元邪繞于任脈胞胎之間而化此黔色也單治脾何能痊乎法宜補任脈之虛而清腎火之炎則庶幾矣方用易黃湯

山藥

一兩炒

芡實

一兩炒

黃柏

二錢鹽水炒

車前子

一錢酒炒

白果

十枚碎

水煎連服四劑無不全愈此不獨治黃帶方也凡有帶病者均可治之而治帶之黃者功更奇也蓋山藥芡實專補任脈之虛又能利水加白果引入任脈之中更為便捷所以奏功之速也至于用黃柏清腎中之火也腎與任脈相通以相濟解腎中之火即解任脈之熱矣

黑帶下

四

婦人有帶下而色黑者甚則如黑豆汁其氣亦腥所謂黑帶也夫黑帶者乃火熱之極也或疑火色本紅何以成黑謂爲下寒之極或有之殊不知火極似水乃假象也其症必腹中疼痛小便時如刀刺陰門必發腫面色必發紅日久必黃瘦飲食必兼人口中必熱渴飲以涼水少覺寬快此胃火太旺與命門膀胱三焦之火合而熬煎所以熬乾而變爲炭色斷是火熱之極之變而非少有寒氣也此等之症不至發狂者全賴腎水與肺金無病其生生不息之氣潤心濟胃以救之耳所以但成黑帶之症是火結于下而不炎于上也治法惟以洩火爲主火熱退而濕自除矣方用利火湯